

# Dr. Mahathir akan rasmi Jubli Perak MBNJ di BP

BATU PAHAT, Selasa — Timbalan Perdana Menteri, Datuk Sri Dr. Mahathir Mohamad, akan meresmikan perayaan Jubli Perak Majlis Belia Negeri Johor (MBNJ) di sini 14 Julai ini.

Pengerusi Jawatankuasa Perayaan Jubli Perak MBNJ, Datuk Haji Salleh Haji Tahir memberitahu, kira-kira 5,000 peserta dari 15 badan gabungan MBNJ, badan-badan belia lain dan para pelajar akan menyertai perarakan raksaksa pada pagi itu.

Di samping itu, kira-kira 1,000 anggota pasukan kompiang turut menyertai perarakan.

Datuk Haji Salleh memberitahu, Timbalan Perdana Menteri dijangka tiba dengan helikopter di Padang Majlis Daerah Batu Pahat sebelum jam 9 pagi.

Menteri Besar Tan Sri Haji Othman Saat merangkap Yang Dipertua MBNJ, Datuk Haji Salleh sendiri dan Pegawai Daerah, Encik Ishak Mohd. Yusof akan menyambut beliau.

Turut hadir di perayaan gilang-gemilang itu nanti, Menteri Kebudayaan, Belia dan Sukan, Datuk Abdul Samad Idris.

Majlis Perhimpunan dimulakan dengan istiadat menaikkan bendera MBNJ dengan iringan tambur dan tiupan bugel serta latar sajak 25 tahun badan belia itu.

Seorang pembaca lirik dan dua pengiring berpakaian teluk belanga melafazkan lirik.

Sebaik-baik saja berakhir ucapan perasmian, kompiang akan dipalu dan belon-belon termasuk segugus besar akan dilepaskan.

Di samping itu, beberapa acara khas untuk orang ramai akan diadakan selama tiga hari tiga malam, termasuk "pentarama" Jabatan Penerangan pada malam pertama.

Menteri Besar akan menutup majlis pada malam 16 Julai dan menyampaikan hadiah-hadiah.

Salah satu acara yang dijangka menarik perhatian ialah pemilihan Ratu Belia yang terbuka kepada ahli-ahli badan belia yang bergabung dengan MBNJ saja.

Pemohonan menyertai peraduan ratu itu boleh dihantar kepada Pejabat Urusetia, Balairaya

Kampung Kenangan Datuk Onn, Batu Pahat.

Pemilihan ratu belia akan diadakan pada malam kedua di mana sebuah persembahan tablo dari Majlis Belia Daerah Muar turut menghiburkan para penonton.

Di samping itu, sebuah drama "keinsafan" akan dipersembahkan pada malam kedua dan sebuah pentomin dari Majlis Belia Daerah Batu Pahat pada malam ketiga.

Datuk Haji Salleh menambah, para penonton akan juga dipersembahkan dengan permainan pancaragam, lawakjenaka, nyanyian, wang kulit, ghazal, gemelan, kuda kepang, silat seni gayung, barungan, gambus dan ghazal.

Sukan rakyat akan diadakan pada hari pertama dan kedua sementara hari ketiga dikhaskan untuk pertandingan akhir.

Pesta jalankaki juga diadakan dengan acara ini terbuka kepada para pelajar sekolah rendah, sekolah menengah, terbuka dan mereka yang berumur 40 tahun ke atas.

Lain-lain acara sukan, bolasepak enam sebelah, sepaktakraw dan tariktali dan masing-masing acara itu terbatas kepada 15 badan belia yang bergabung dengan MBNJ.

Di samping itu akan diadakan juga khemah kerja belia selama dua hari yang akan disertai kira-kira 200 belia. Para peserta akan beramal menjalankan kegiatan

Bahan asal dari Arkib  
Negara Malaysia